

按延昌卅九年卽隋開皇十九年據劉氏長曆正月朔丁卯此作丁丑蓋丑爲卯字之誤又由丁卯朔推至庚寅日爲廿四日此作廿五日乃邊外人誤記也

王遵妻史氏墓表 專七四

義和四年口寅歲五月朔乙巳十五日丁巳

按義和二年卽隋大業十一年歲次乙亥此誤專七五唐幼謙妻麴氏墓表義和二年正作丁亥歲可證又據劉氏長曆五月朔作壬辰則十五日爲丙午與此有別

口氏墓表 專七九

十月庚辰口三日壬午鎮西口口口郡

按三日爲壬午則朔日爲庚辰故辰下爲朔字鎮西下疑爲府交河三字蓋此次所得墓專多出於雅爾崖爲高昌交河郡舊地疑當時鎮西將軍府第亦設於此城中故墓專上凡書死者官職及藉貫多冠以鎮西府或交河郡等字例如任法悅唐阿朋諸墓表皆是此專亦出雅爾崖故知亦當爲鎮西府交河郡也

史伯悅墓表 專八三